



Home > BERNART DE VENTADORN > EDIZIONE > Non es meravelha s'eu chan > Tradizione manoscritta > CANZONIERE U

CANZONIERE U

- letto 529 volte

Edizione diplomatica

	Bernart de Ventadorn. NON nes meraueilha seu chan. Meils de nul autre chantador. Qar plus metral cor uas amor. E mienz soi faz al seu coman. Qe cor e cors e saber e sen. E forza e poder iai mes. Sim tira uas amor lo fres. Qe uas outra part non i sa ten. BEn es mort qi damor non sen. Al cor qal qe dolça sabor. E qe ual uiure ses ualor. Mas per ennuog far a la gen. Ia domine dieus no(n) mair ta(n)t. Qeu ia pois uiua iorn ni mes Pos trop serai de noi re pres. E damor non aurai talan. A Bona fe e ses enian. Am la plus bella e la meillor. Del cor sospir e dels oils plor. Qai tan lam eu per qe iai dan. E qen pois als cal cor im pren. En la carcre en qe ma mes.
--	--

	Non pot claus obrir mas merces. E dai qela noi trob nien. AQest amor mi fer tan gen. Al cor duna dolça sabor. Cent uez muer lo iorn de dolçor. E reuiu de ioi autre cen. Tant es mos mals de bel semblan. Qe mais ual mon mals qautre bes. E pois lo mals ai tant bon mes. Bons mer lo bens a pres lafan. BOna donna ren nous de man. Mais qem prendaz per seruidor. Qeus seruirai cum bon seingnor. Ço qe pois del gaçerdon an. Ueus me als uostre comandamen. Bels cors gentils francs e cortés. Ors ni leos non es uos gen. Qe mauciez sa uos mi ren. Qant eu les gart ben mes paruen. Als oils als uis a la color. Qau tre si trembli de paor. Com fai la foillia contral uen. Non ai de sen per un enfan. Aisi soi damor entre pres. Et homes qes aisi co(n)ques. Pod donna auer al moina gran. AI deus qar non foron trian. Dentrels fals li finamador. Qe lausenier e triccador. Portassen corn el fron denan. Tot laur del mond e tot largen.
	Iuolgr auer dat sieu lagues. Sol qe madonna i conogues. Aisi cum eu lam finamen.

- letto 495 volte

Edizione diplomatico-interpretativa

Bernard de uentadorn.	Bernard de Ventadorn.
I	I
NOn nes meraueilha seu chan. Meils de nul autre chantador. Qar plus metral cor uas amor. E mielz soi faz al seu coman. Qe cor e cors e saber e sen. E forza e poder iai mes. Sim tira uas amor lo fres. Qe uas outra part non i sa ten.	Nonn es meraveilha s?eu chan meils de nul autre chantador, qar plus me tra·l cor vas amor e mielz soi faz al seu coman. Qe cor e cors e saber e sen e forza e poder i ai mes; si·m tira vas amor lo fres qe vas outra part non i s?aten.
II	II
BEn es mort qi damor non sen. Al cor qal qe dolça sabor. E qe ual uiure ses ualor. Mas per ennuog far a la gen. Ia domine dieus no(n) mair ta(n)t. Qeu ia pois uiua iorn ni mes Pos trop serai de noi re pres. E damor non aurai talan.	Ben es mort qi d?amor non sen al cor qalqe dolça sabor; e qe val viure ses valor mas per ennuog far a la gen? Ia Dominedieus non m?air tant q?eu ia pois viva iorn ni mes, pos trop serai d?enoï repres e d?amor non aurai talan.
III	III
A Bona fe e ses enian. Am la plus bella e la meillor. Del cor sospir e dels oils plor. Qai tan lam eu per qe iai dan. E qen pois als cal cor im pren. En la carcre en qe ma mes. Non pot claus obrir mas merces. E dai qela noi trob nien.	A bona fe e ses enian am la plus bella e la meillor. Del cor sospir e dels oils plor, q?ai tan l?am eu, per qe i ai dan. E qe·n pois als, c?al cor i·m pren en la carcre en qe m?a mes, non pot claus obrir mas merces, e d?aiqela no·i trob nien?
IV	IV
AQest amor mi fer tan gen. Al cor duna dolça sabor. Cent uez muer lo iorn de dolçor. E reuiu de ioi autre cen. Tant es mos mals de bel semblan. Qe mais ual mon mals qautre bes. E pois lo mals ai tant bon mes. Bons mer lo bens a pres lafan.	Aqest?amor mi fer tan gen al cor d?una dolça sabor: cent vez muer lo iorn de dolçor e reuiu de ioi autre cen. Tant es mos mals de bel semblan, qe mais val mon mals q?autre bes; e pois lo mals aitant bon m?es, bons m?er lo bens apres l?afan.
V	V

BOna donna ren nous de man. Mais qem prendaz per seruidor. Qeus seruirai cum bon seingnor. Ço qe pois del gaçerdon an. Ueus me als uostre comandamen. Bels cors gentils francs e cortés. Ors ni leos non es uos gen. Qe mauciez sa uos mi ren.	Bona donna, ren no·us deman mais qe·m prendaz per servidor, qe·us servirai cum bon seingnor, ço qe pois del gaçerdon an. Ve·us me als vostre comandamen, bels cors gentils, francs e cortés! Ors ni leos non es vos gen, qe·m auciez, s?a vos mi ren.
VI	VI
Qant eu les gart ben mes paruen. Als oils als uis a la color. Qau tre si trembli de paor. Com fai la foillia contral uen. Non ai de sen per un enfan. Aisi soi damor entre pres. Et homes qes aisi co(n)ques. Pod donna auer al moina gran.	Qant eu l?esgart, ben m?es parven als oils, als vis, a la color, q?autresi trembli de paor com fai la foillia contra·l ven. Non ai de sen per un enfan, aisi soi d?amor entrepres; et homes, q?es aisi conques, pod donna aver almoina gran.
VII	VII
Ai deus qar non foron trian. Dentrels fals li finamador. Qe lausenier e triccador. Portassen corn el fron denan. Tot laur del mond e tot largen. I uolgr auer dat sieu lagues. Sol qe madonna i conogues. Aisi cum eu lam finamen.	Ai, Deus! Qar non foron trian d?entrels fals li fin amador? qe lausenier e triccador portassen corn el fron denan! Tot l?aur del mond e tot l?argen i volgr?aver dat, s?ieu l?agues, sol qe ma donna i conogues aisi cum eu l?am finamen.

- letto 348 volte

Riproduzione fotografica

Image not found
<https://letteraturaeuropea.let.uniroma1.it/?q=sites/default/files/styles/661/public/U%20%284%29.png&itok=9LtLCVu7>



Image not found
<https://letteraturaeuropea.let.uniroma1.it/?q=sites/default/files/styles/661/public/U%20%285%29.png&itok=Ds6GBpml>



Image not found

<https://letteraturaeuropea.let.uniroma1.it/?q=sites/default/files/styles/661/public/U%20%286%29.png&itok=YZ3lNg8I>



- letto 368 volte

Source URL: <https://letteraturaeuropea.let.uniroma1.it/?q=laboratorio/canzoniere-u-52>